

quibus certo constat adjectas Ecclesias fuisse consecratas, an vero in omnibus Ordinis Coenobiis, etiam si Ecclesiae adnexae non sint consecratae?

Emi. et Rmi. P. S. tuendis Ritibus praepositi . . . rescribere: „Juxta Votum ipsius Caeremoniarum Magistri“ videlicet:

„Negative ad primam partem, affirmative ad secundam“.

Atque ita servandum mandarunt. n. 4821 ad 1. die 23. Sept. 1837.

NOTA GARDELL. AD HOC DECRETUM:

Dupliciter Ecclesiae Dicationis Officium aut Festum considerari potest; quum nempe Ecclesia solemniter consecratur et cum dies hujus consecrationis recurrit. Prima vere dicitur estque Consecratio seu Dedicatio, altera, quae singulis annis recolitur solet, est anniversaria Dicationis olim peractae memoria. Utraque, licet una minus alia majus proprie, Ecclesiae Dedicatio appellatur, et sic duplex est Dicationis Officium. Alterum, quod semel tantum peragitur, alterum, quod quovis anno, ea ipsa recurrente die, celebratur, et est anniversarius dies dicationis. Jam si Officium dicationis, quod celebratur singulis annis, est quaedam et vera anniversaria memoria Ecclesiae jam peractae semel consecrationis, requiritur fieri non posse Officium dicationis Ecclesiae, quae non est consecrata; quod enim numquam peractum est, numquam pariter recolitur potest tamquam peractum. At in Ecclesia non consecrata alterius Ecclesiae consecratae fieri potest anniversaria memoria sive Sacrum de illius consecratione peragendo, sive Officium persolvendo, quemadmodum evenit in unaquaque Dioecesi, in cujus omnibus Ecclesiis etiam non consecratis fit Officium dicationis Ecclesiae Cath., ut patet ex

Decretis S. R. C., et ex Rubrica, quae in Missali in Missa Anniversarii dicationis Ecclesiae Orationi secretae praefixa videtur: *Extra Ecclesiam ipsam dedicatam omittitur Parenthesis*: Quod in his ex lege et Decretis ac Rubricae dispositione fit, fieri potest in Ecclesiis, quibus a S. Sede privilegium est concessum Officium nempe peragendi de Dicatione alterius Ecclesiae vel aliarum simul sumptarum Ecclesiarum. Jam quum inclitus Ordo B. M. V. de Mercede privilegio gaudeat peragendi Officium de Dicatione Ecclesiarum totius Ordinis, jure hujusmodi Officium fieri potest, et nihil impedit, quominus fiat in iis Ordinis Ecclesiis, quae consecratae non sunt, sive Ecclesia non consecrata non est impedimentum ad illud peragendum; nam non de illius consecratione memoria agitur; semper autem Officium facit de Ecclesia, quod ex vi privilegii facere potest, semel ac de Dicatione Ecclesiarum sui Ordinis peragitur Officium, et quum in privilegii concessione nulla ponatur distinctio, nulla pariter ponenda est pro illis Coenobiorum Ecclesiis, quae consecratae non sunt. Privilegium autem non Ecclesiis singularibus, non singularibus Coenobiis, sed universo Ordini datum est, atque hinc omnibus ejusdem Ordinis Ecclesiis est commune. Quibus perpensis S. C. *negative primae parti, affirmative alteri parti* hujus dubii respondit.

*Ad dubium*: An in omnibus Coenobiis, sive certe sciatur, sive non sciatur dies consecrationis, vel dicationis Ecclesiae, persolvi debeat Officium consecrationis die decima Octobris fixa assignata pro Festo Dicationis omnium Ecclesiarum Ordinis?

Emi. et Rmi. P. S. tuendis ritibus praepositi . . . rescribere:

„Juxta Votum ipsius Caeremoniarum Magistri“ videlicet:

„Affirmative, seu jam provisum in primo“.

Atque ita servandum mandarunt. n. 4821 ad 2 (vd. pag. 442); die 23. Sept. 1837.

NOTA GARDELL. AD HOC DECRETUM.

In hujusce dubii solutione haec advertere necesse erat. Si certe sciatur aliquam Ecclesiam non esse consecratam, vel jure de consecratione dubitetur, hujus quidem Ecclesiae dicationis Officium fieri nequit. Sic statuit S. C. Non ita tamen si constet de consecratione, consecrationis vero dies ignoretur: tunc enim Ecclesiae consecrationis Officium peragi debet, et eo die ad hoc assignato, nisi postea per documenta delegatur verus consecrationis dies, tunc enim in hoc est peragendum. In casu proposito nec certo constat Ecclesias omnes non esse consecratas, nec jure dubitari potest de consecratione omnium Ecclesiarum Ordinis simul sumptarum (ad quod peculiariter privilegium concessum est); hinc jure fieri Officium potest ab omnibus ejusdem Ordinis Ecclesiis. His addendum est quod quum privilegium complectatur dicationem omnium Ecclesiarum Ordinis, fieri nequit, ut rationabile oriatur dubium de dicatione omnium, et admitti debet aliquas esse consecratas, quod sufficit et hinc fieri debet Officium, et eo die (per doctrinam superius allatam) cui illud est assignatum nempe die X. Oct. quum hic dies sit assignatus, nec diversimode constet.

Quum vero fiat Officium de dicatione omnium Ecclesiarum simul Ordinis, alterum propriae Ecclesiae consecratae Officium alio die fieri nequit; nam eo die, quo fit de dicatione omnium Ecclesiarum Ordinis, intelligendum est fieri etiam de dicatione propriae et singularis Ecclesiae; omnes enim pariter in Privilegio com-

prehensae censentur. Alias de una eademque Dicatione bis fieret Officium, quod non debet omnino. Una enim et sola est Anniversaria Dicationis memoria. Patet itaque sapienter respondisse S. C. *affirmative*, seu jam provisum esse in praecedentis dubii responsione.

*Ad dubium*: In Terris haereditariis Austriae celebratio Dedicatio Metrop., vel Cath. Ecclesiae una cum Dicatione omnium Ecclesiarum tum Saecularium tum Regularium Dom. III. Oct.; et sic in Directoriis Dioecesanis notatur: „Officium de Communi cum comm. Eccles. respective Metrop. vel Cath., mut. Ant. V. cum Orat. *Deus qui invisibiliter*, et Dom. in utrisque Vesp. et Laud. et Missa. Et agitur ubique cum solemnitate externa, ornantur Ecclesiae, in turribus vexilla in signum Dicationis exponuntur, et omnes conciones fiunt de eadem solemnitate. Submisce itaque rogamus, si nobis ex benigna concessione S. R. C. liceat in praedicta Dominica celebrare Dicationem Ecclesiarum nostrae Congregationis etiam in Choro cum commemoratione respectivae Cathedralis. Nam semper timenda est Ordinariatus, cujus censurae nostrum Directorium subjacet, exprobratio, quia exceptionem facimus a communi lege sine dubio ab Apostolica Sede approbata totius Austriae, Styriae, Tyrolis.

Et S. eadem C. . . rescribendum censuit:

„Pariter pro gratia in omnibus“.

Atque ita rescripsit, ac servari mandavit a Patribus Cong. SSmi. Redemptoris extra Italiam, et in Dominiis Austriacae Domus degentibus. n. 4842 ad 2 die 1. Sept. 1838.

Decretum in Mechlin. die 1. Sept. 1838 praescribit ut Sacerdotes nulli vel non consecratae Ecclesiae adscripti, propter uniformitatem Anniversarium Dicationis Ecclesiarum ce-

lebrent cum Octava ut in Cathedr. et in civitate Mechlin. Petitur, ut propter eandem rationem extendatur hoc decretum ad Dioeces. Brugensem? S. C. resp.: Pro gratia ad instar concessionis factae Clero Mechlinensi die 1. Sept. 1838. n. 4897 ad 4 die 12. Sept. 1840.

*Ad dubium:* 1. An Religiosi cujusvis Ordinis, qui dedicationem omnium suorum Ordinum Ecclesiarum celebrare possint et debeant ad instar Cleri Saecularis dedicationem omnium Hiberniae Ecclesiarum celebrare absque speciali Sedis Apost. Indulto, et quatenus negative, stante cujusvis longi temporis consuetudine, tuto possint Regulares praedictam omnium Hiberniae Ecclesiarum dedicationem in posterum celebrare?

2. Utrum Regulares, qui Sedis Apost. Indultum impetraverint dedicationem omnium Hiberniae nec non suorum Ordinum Ecclesiarum celebrandi, possint et debeant dedicationem quoque Ecclesiae Cath. illius, qua degunt, Dioecesis, absque Sedis Apost. speciali Indulto, celebrare, quum Clerus Saecularis, ut jam dictum est, dedicationem omnium Ecclesiarum Hiberniae quotannis celebret?

3. An teneantur vel possint praetera Cleri Saecularis Sacerdotes, et alii propriae suae Ecclesiae dedicationem celebrare, sive Cath. illa sit, sive quaevis alia?

Et Emi. ac Rmi. P. S. tuendis Ritibus praepositi . . . rescribendum censuerunt:

„Juxta votum Magistri Caeremoniarum in omnibus“ videlicet:

Ad 1: „Pro nunc nihil innovetur“.

Ad 2 et 3: Dilata, et ad Mentem. Mens autem est ut per S. C. de Propaganda Fide scribatur Archiep. Dublinensi et Tuamensi, nec non Ep. Galvaniensi per modum Instructionis, qua dicatur ad eandem S. C. perla-

tum esse in eorum Dioecibus praeter Festum dedicationis omnium istius Regni Ecclesiarum, quod habetur Dom. II. Oct., celebrari etiam diem anniversarium consecrationis propriae Ecclesiae Cath., et quatenus ita se res habeat, hujusmodi morem consonum non esse et Decretis S. R. C., et ipsi rationi, eo quod propriae particularis Ecclesiae Dedicationis Officium intelligitur comprehensum, et celebratum in Festo consecrationis omnium Ecclesiarum, ac propterea eandem S. C. vehementer optare, ut praedictum Officium Dedicationis propriae particularis Ecclesiae ex Calendario proximi anni expungatur“.

Atque ita rescripserunt, ac servari mandarunt, die 16. Apr. 1842. n. 4941 ad 2. 3. 4.

#### Ordinis Minorum Reformatorum S. Francisci.

Ut uniformitas servaretur in Divinis persolvendis Laudibus sancitum est ab hac S. R. C. ut uno eodemque die, nimirum IV. Nonas Julii, Officium institueretur Dedicationis omnium Ecclesiarum trium Ordinum S. Francisci. Ast quum in Ordine Divini Officii reperitur adnotatio quaedam, nimirum: in Secreta Missae omittenda esse verba inter parenthesis comprehensa, quoties Ecclesia aliqua non sit consecrata; hinc hodiernus Guardianus Ordinis Reformatorum S. Francisci Civitatis Venusin. eandem S. R. C. requisivit humillime pro declaratione insequentis Dubii, nimirum: An IV. Nonas Julii instituendum sit Anniversarium Dedicationis propriae Ecclesiae, quum constet illam consecratam fuisse VI. Idus Oct. 1728. qua quidem die celebrandum esset quotannis Festum Dedicationis sub ritu duplicis I. Cl. cum Octava? Emi. ac Rmi. P. S. tuendis Ritibus praepositi in ordinario Coetu ad Vaticanum hodierna die

coadunati, infrascripto Secretario referente, animadvertentes ab hac S. Sede id consilii potissimum ceptum fuisse, ut uniformitas induceretur in Calendario Seraphico, rescribendum censuerunt: „Officium dedicationis propriae Ecclesiae faciendum die IV. Julii“.

Atque ita servandum mandarunt, die 23. Maji 1835. n. 4749.

#### b) Translatio.

Vd.: *Dedicatio Ecclesiae* (transl.)

Juxta decr. die 21. Junii 1804 praescribitur, ut Anniversarium Dedicationis Ecclesiar. omnium consecratarum celebratur dominica, quae subsequitur diem octavam festi omnium SS.; interdum die ista dominica occurrit festum s. Martini vel s. Patroni et Titularis Ecclesiae aut Patroni loci; decretum vero de die 21. Aug. 1688 statuit festum Patroni et Dedicationis esse ejusdem dignitatis: petitur ergo de quo faciendum sit Officium? S. C. resp.: Faciendum de dedicatione in casu juxta decr. die 8. Aug. 1643 ad III. et festum Patroni transferendum juxta rubricas. n. 4897 ad 5 die 12. Sept. 1840.

*Ad dubium:* Juxta Decretum cl. m. Cardinalis Caprara, si solemnitas *translata* Festi Patroni et Anniversarium Dedicationis omnium Ecclesiarum consecratarum occurrant eodem die, faciendum est de Solemnitate Dedicationis. Hinc quaeritur:

1. An ita faciendum sit si in istam Dominicam Dedicationis incidat non Solemnitas translata, sed Festum Patroni?

2. An in isto casu cantari possit Missa votiva Solemnis Patroni juxta Rubricas Missalis Romani de translatione Festorum? Hic enim Articulus Missalis enumerans dies privilegiatos, qui excludunt Missam Votivam Festi, quod transferri debet, non recenset

inter eos Anniversarium Dedicationis Ecclesiae.

3. Supposito quod ita fieri non possit, an ita dicendum sit de Ecclesiis non consecratis?

4. Supposito etiam quod in omnibus respondendum sit negative, demisse obsecratur, ut ad gloriam Patronorum nec non ad gaudium populi, qui summa veneratione hos Sanctos colit, in casibus supra enunciatis cantari possit Missa Votiva Solemnis Patroni, translata ad Dominicam sequentem Solemnitate Dedicationis?

S. eadem C. . . . rescribendum censuit:

„Quoad quaestionem primam affirmative; quoad quaestionem secundam affirmative; non exclusam tamen alia Missa Solemni de Festo Dedicationis, si sermo sit de Ecclesia ubi est obligatio cantandi Missam quotidie juxta Decretum in una Bergomen. dici 17. Aug. 1709.; quoad quaestionem 3. et 4: Provisum in secunda“.

Atque ita rescripsit. n. 5215 ad 1. die 22. Julii 1855.

#### 8) Ecclesiarum plurium in una die.

Cum autem Dedicationes Ecclesiarum nostrae Provinciae diebus Dominicis, iisque ut plurimum valde incongruis celebrentur, nos infrascripti Provinciales et Definitores nostri demisse supplicamus E. V., ut dignentur unam et eandem diem assignare pro uniformi celebratione Dedicationis omnium Ecclesiarum hujusce Provinciae Nostrae Leodiensis: dies autem ad hoc convenientissima videtur aut 26. Februarii, aut Dominica secunda post Pascha.

In pluribus Dioecibus Galliae omnium fiunt Ecclesiarum Dedicationes eodem die, ut cum majori devotione, solemnitate et uniformitate celebrentur, quam eandem gratiam ab E. V.

humiliter postulamus iisdem de causis pro Dedicatione omnium Ecclesiarum nostrorum Conventuum Provinciae Leodiensis, et, ut nunquam omittatur haec celebratio, ut non raro accidit, cum tempore, quod deberet celebrari Ecclesiae alicujus Conventus Dedicatione, saepe saepius fiant nostrae mutationes capitulares, et sic transeuntes Religiosi de Conventu, in quo proxima est Ecclesiae Dedicatione, ad alium, in quo jam celebrata est, teneantur, ut se conformare possint aliis Religiosis in recitatione Officii illud Dedicationis omittere hoc anno, quod advenientibus iisdem mutationibus annis sequentibus, ut potest fieri, fere semper omittent. Et eadem S. R. C., Emo. et Rmo. D. Card. S. Clementis referente, respondit: „Negative“. n. 3763 ad 7 die 19. Febr. 1707.

#### 9) S. Mariae Angelorum.

Vd.: *Indulgentia de Portiuncula* (decr. n. 4048.)

#### 10) Oratorii.

(*Utrum celebrandum.*)

Cf.: *Oratorium.*

In Ecclesiis et Oratoriis Ecclesiae parochiali subjectis, in quibus multi Sacerdotes quotidie celebrant, non possunt celebrari missae Titularis et Dedicationis sub eodem ritu dupl. ac in Ecclesia parochiali. n. 4844 ad 8 die 23. Febr. 1839.

Missionarii in Hollandia et confederatis Provinciis habentes tantum Oratoria, Ecclesiis jam profanatis vel destructis destituti, non possunt annue recitare Officium Dedicationis cum octava. n. 3089 ad 1 die 2. Junii 1685.

#### 11) Vexillum in signum Dedicationis.

Vd.: *Dedicat. Eccles. omn. alicuj. Ord.* (decr. n. 4842.)

### DEFECTUS IN ORDINATIONIBUS.

Vd.: *Subdiaconatus; Ordin. ad Presbyt.; Diaconatus.* (tradit. libri Evang. decr. n. 4813.)

### DEFUNCTUS.

#### *Depositio.*

##### 1) Locus.

Vd.: *Commemor. Omn. fidel. Def.; Off. Def.; Processio funebr.; Sepultura; Sepultura* (Sacerd. def.; Episcopi def.); *Cadaver.*

*Ad dubium:* An haeredes sint cogendi ad retinendum domi cadavera usque ad sepulturam, an iisdem liceat pro libitu asportare cadaver ad quamcunque Ecclesiam usque ad horam tumulandi, etiamsi sepelienda essent in Ecclesiis Regularium, non obstante dissensu parochi seu prohibitione ab eodem facto uti Vicario Foraneo? S. C. resp.: Petita et etiam non obtenta licentia posse cadavera deponi arbitrio haeredum in qualibet Ecclesia usque ad tempus illa processionaliter deferendi ad Ecclesiam sepulturae. n. 2733 ad 1 die 22. Junii 1675; n. 4316 ad 3 et 4 die 7. Maji 1763 *cum append:* Et parochi deberi ratione ejusdem depositi intortilia tantum, quibus cadaver expositum fuit, dummodo aliquas preces expleverit.

Posse deponi cadavera in quacunque Ecclesia arbitrio Testatorum vel Haeredum. n. 3522 ad 3 die 11. Julii 1699; n. 3690 ad 3 die 7. Junii 1704; n. 3881 ad 2 die 14. Decb. 1715.

*Ad dubium:* An haeredes defunctorum cogi possint ad retinendum domi cadavera usque ad tempus sepulturae, sive eorum libitu, petita et non obtenta licentia parochi possint eadem deponere in aliqua Ecclesia, usque ad tempus illa processionaliter deferendi ad Ecclesiam sepelientem? S. C. resp.: Ad primam partem negative, ad secundam affirmative. n. 3722 ad 12

die 9. Maji 1705. S. C. C. 14. Mart. 1722; 6. Febr. 1734.

*Ad dubium:* An volentibus haeredibus facere dictum depositum, teneantur illud private facere in alterutra ex duabus Ecclesiis parochialibus terrae Montis Novi, sive potius possint illud facere in quacunque Ecclesia? S. C. resp.: Ad primam partem negative, ad secundam affirmative. n. 3722 ad 13 die 9. Maji 1705. Et ibidem ad 14: „Depositum fieri posse in quacunque Ecclesia, arbitrio haeredum.

Praetendente Curato Ecclesiae S. Luciae Terrae Montis Alboddi Diocesis Senogallien, occasione funerum, Haeredes non habere facultatem faciendi depositum defuncti in Ecclesiis sibi bene visis; ex parte Guardiani et Patrum Minorum Conventualium nomine Vicarii Foranei et civium Terrae praedictae S. R. C. pro declaratione: An arbitrio Haeredum defuncti depositum sit faciendum in quacunque Ecclesia? humillime supplicatum fuit. Et S. eadem R. C., inhaerendo aliis resolutionibus in similibus editis, respondit: „Dentur Decreta in Senogallien. 22. Junii 1675, et pariter in eadem causa 9. Martii 1706“. n. 3854 die 1. Julii 1713.

##### 2) Modus.

Nulla modo est tollerandus abusus, quod mortui curru clausi deferantur ad Ecclesiam. S. C. Ep. 17. Mart. 1650.

##### 3) Tempus.

Cadavera in quacunque hora diei deferri possunt ad Ecclesiam, de nocte vero non nisi de licentia Ordinarii. S. C. C. 15. Mart. 1704 (et Clem. XI. 9. Decembris 1704). Vd.: *Sepult.* (Tempus).

Cum in Oppido Trepani Dioecesis Mazarien irrepisset abusus collocandi

cadavera Archipresbyterorum defunctorum occasione funerum, induta pluviale in sede, secus vero in feretro, ut praescribit Rituale roman., S. C. resp.: Non licere et servetur Rituale rom. n. 4043 die 21. Apr. 1736.

### DEINDE.

(*In form. Absolutionis.*)

Vd.: *Absol.* (A peccatis.)

### DELEGATIO.

(*Ad benedict. Indumentorum etc.*)

Vd.: *Benedictio* (Delegatio).

### DELEGATUS APOST.

Vd.: *Installatio novi Canonici* (decr. n. 4274).

### DENUDATIO ALTARIS.

##### 1) Fer. V. in Coena Dom.

*Ad dubium:* An fer. V. maj. hebdomadae teneantur Canonici post vespere ad denudationem altaris procedere, seu potius fieri debeat denudatio per Episcopum celebrantem eique assistentes? S. C. resp.: Servetur solitum. n. 4235 ad 8 die 15. Sept. 1753.

*Ad dubium:* Utrum idem ferendus sit usus, ut post Vesperas Feriae V. in Coena D. denudatio Altarium fiat per simplicem Sacerdotem Superpelliceo et Stola indutum cum duobus Clericis Superpelliceo pariter indutis, non vero a Celebrante cum Ministris, uti in Missali indicitur?

Et S. eadem C. rescripsit:

„Servari posse consuetudinem: dummodo Sacerdos Altaria denudet Fer. V. in Coena D.“

N. 5118 ad 3 die 11. Sept. 1847.

Vd.: *Coena Dom.* (Processio; decr. n. 4647 nota).